

KANTON SARAJEVO
SKUPŠTINA KANTONA SARAJEVO
Elvedin Okerić
Predsjedavajući Skupštine Kantona Sarajevo

Vlada Kantona Sarajevo

U skladu sa čl. 106. i 213. stav (1) Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 15/13,47/13,47/15, 48/16, 9/20 i 14/20)

INICIJATIVA

Pokrećem inicijativu da se u Budžetu Kantona Sarajevo za 2022. godinu obezbijede finansijska sredstva i da Vlada Kantona Sarajevo utvrdi izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", broj: 38/14-Prečišćeni tekst, 38/16, 44/17 i 28/18) za:

- Povećanje porodijske naknade ženi-majci na iznos prosječne plate u Federaciji BiH;
- Izjednačavanje novčane pomoći ženi-majci koje su u radnom odnosu i koje nisu u radnom odnosu.

O B R A Z L O Ž E N J E

Imajući u vidu negativan demografski trend u Bosni i Hercegovini i Kantonu Sarajevo neophodno je efikasno kreirati populacijske politike sa aktivnostima i mjerama koje će za posljedicu imati povećanje nataliteta. Opredjeljenje stranke NAROD I PRAVDA je da provodi državotvornu politiku koja između ostalog uključuje i provođenje svih aktivnosti na povećanju stope nataliteta, a takve aktivnosti da bi postigle svoj realni cilj treba da budu konkretne, adekvatne, efikasne i da budu usmjerene prema onim članovima društva koji potencijalno učestvuju u reprodukciji.

Shodno statističkim podacima Zavoda za informatiku i statistiku Kantona Sarajevo u 2020. godini u Kantonu Sarajevo zabilježen je veći broj umrlih nego rođenih, a ukupan broj rođenih u proteklih 10 godina se kreće u prosjeku između 4.640 i 4.777 uz izuzetak da je u 2020. godini ukupan broj rođenih iznosio samo 4.195.

Također, broj porodijskih naknada ženama-majkama se u proteklih 10 godina postepeno snižavao uz minimalne izuzetke, čime se potvrđuje trend smanjenja novorođene djece. U 2018. godini je isplaćeno samo 3.729 porodijskih naknada ženama-majkama, u 2019. godini samo 3.548, u 2020. godini samo 3.484, a u 2021. godini samo 3.436 što uključuje žene-majke koje su u radnom odnosu i koje nisu u radnom odnosu. Prethodno navedeni podaci treba da budu upozorenje svima nama.

Ova inicijativa ima za cilj olakšati funkciju roditeljstva te na takav način stvoriti pozitivan ambijent za sve, a posebno mlade ljude u Kantonu Sarajevo kojima će adekvatna, stabilna i značajna finansijska podrška nadležnih institucija biti ohrabrenje za vršenje funkcije roditeljstva.

Sarajevo, 10.11.2021. godine

Predsjedavajući Skupštine
Kantona Sarajevo

Elvedin Okerić